

四庫全書

集部

欽定四庫全書

明詩綜卷十四

翰林院檢討朱彝尊編

管 訥 三十六首

訥字時敏松江華亭人洪武中徵拜楚府紀善
陞左長史乞致仕王請命於朝留居本國祿之
終身有秋香百詠剗竅還鄉紀行等集

丁鶴年
云時敏

詩氣象雄渾襟懷曠達用事親切措辭醇雅黃
文獻公謂文章莫難乎詩詩莫難於近體時敏

體嚴整間出新語亦復清俊非文獻所云難者
與又云五七言律至晚唐氣漸衰靡不可為法
惟絕句詩至晚唐尤為精緻宋人不得其門而
入元人惟龍麟洲范清江虞青城得其三昧餘
或偶得之而不純時敏絕句俱有法度豈非常
私淑于三公故耶又云時敏詠物詩形容精密
非筆頭有五色花者不能胡粹中云長史古
製近體春容乎意度鏗訇乎節奏琢乎文章
其言麗以則其思深以遠其義葩而正溫柔敦
厚不迫不竭方諸古人亦未多讓吳孟勤云
長史樂府五言有漢魏體律詩源出於盛唐如
碧海冲融天光萬頃汪洋莫窺其涯淡楊仲
舉云長史文章務以理勝尤長於詩廖鳴
吾云長史詩清新幽柔可與袁景文並駕
靜志居詩話昔人名集往往自謙若殷文圭曰
鏤冰張舜民曰畫墁晁補之曰雞肋林敏修曰

無思葛立方曰歸愚薛季宣曰浪語樓鑰曰攻
媿王與鈞曰藍縷王翰曰敞帚洪布文曰軒渠
未易悉數明初猶然劉基朱同皆曰覆瓿高啓
曰缶鳴董紀曰西郊笑端華幼武曰黃楊周是
脩曰芻蕘黃槐曰省愆雷貫李馨皆曰知非羅
泰曰覺非王文靜曰蠅聲管訥曰蚓竅是也管
師事廡夫集經鶴年論定春容疏越豈出景丈
之下而說詩家入選寥寥卧子舒章生長五茸
知有表而不知有管竟置
不錄徑寸之珠詎可遺哉

聽松樓為國學林敬伯賦

涼颼度中林長松發清響震蕩出巖巒蕭騷納天壤初
疑繁絃作復訝驚濤上條爾若崩奔悠然亦平廣大音

本無聲至理奚有象復動陽始生垢靜陰已往達人居
高明會茲適真養心靜聽轉聽虛屏神逾爽豈彼塵市
間啾啾局塵坱好招陶隱居山中一清賞

和陸伴讀閩過梅根

江行愜素懷遐覽匪游冶開蓬望九華隱隱白雲下素
波明遠川青天入平野烟樹澹欲無風泉斷還瀉因知
漢陂舟差勝習池馬斯游樂未央我輩胡為者

丁鶴年
云詞嚴

新意

和吳教授晚泊大信阻風

樓船溯流上高帆阻長風大江浩無際一氣何鴻濛
回望天門山峩峩相長雄洪濤走其下屹立西與東不有
浮海歎豈無濟川功大鵬度寥廓斥鷃守卑叢物理固
有定世事徒匆匆張燈啟華筵一笑杯酒中

曉起

真館曉晴初官清遠塵俗怡然對簡編庶矣忘榮辱遙
峰擁歸雲高城澹微旭落盡冬青花江南雨新足

寫懷

朝回想公館殘陽坐來暝疎雨過高林華泉出東嶺流
光晨復晡朱顏豈吾永故園歸何時悠悠發深省

二隱圖

溪上放舟迴山中負薪暇一笑偶相逢於焉遂清話寧
知有秦晉况復論王霸回首總忘機青山夕陽下

從征古州蠻迴塗紀驛

王程不敢緩四日下辰陽古木將軍廟春波使者航城

依山勢險江納雨聲長
莫上觀瀾閣傷心在異鄉

右怡溶

曹公兵敗處今識在嘉魚
赤壁三分後烏林百戰餘
橋浮春渡閣舟泊夜江虛
千古英雄事悲涼太史書

右石頭口

桃花江上驛春水賣新魚
滿尺銀堪比千鱗錦不如
因歌悲客裏每食感王餘
江海親朋少誰傳一紙書

右魚山

銅爵妓

銅爵高臺上西陵古墓邊君恩徒自重妾貌竟誰憐羞
掩歌時扇愁登舞後筵惟餘漳浦月三五夜空圓

答友雨中見寄

雨聲連曉夕牢落閉幽扉屋漏頻移榻江寒更覓衣野
鳥飢自下水鳥濕還飛爾亦忘機日終同理釣磯

郊居

移家雖偏側只此足幽居茅屋三間小春田十畝餘人

來論稼穡自學把犁鉏東舍催租急烹雞酌小胥

姚氏野春堂

野外茅堂不掩扉堂前風日散晴霏梨花門巷清明近
春水池塘燕子飛每約隣翁同社飲更從田畷勸農歸
明朝我亦尋春去小試東風白苧衣

答吳高士見寄

青鞵布韞木棉裘合是山中隱者流舉世可無劉越石
薦賢誰是呂婆樓秋風泖蟹年年上春水沙鷗日日浮

好為攜琴并載酒三高祠下放扁舟

送瀘州判官孫彥博

新除貳守向瀘川西上長江萬里船行李莫辭為客遠
判花政喜得君賢官鹽歲汲千家井火米時收五月田
緩帶從容有佳興寄詩細寫薛濤牋

寒食

三月東風大放顛今年為客倍淒然杏花時節偏聽雨
寒食人家不禁煙千里故鄉愁共遠一春白日夢相牽

天涯草色青青處祇憶千山墓下田

對雪

半年南國不雨落一夕北風吹雪來城中米價政爾貴
江上梅花空自開騎驢朝士曉未出射虎將軍夜不迴
寒齋獨坐更愁絕飢鳥下啄青莓苔

題陸二闔墨梅

青禽枝上月如霜夢覺羅浮欲斷腸却憶故園池館裏
看花一月不燒香

墨窗為越人趙撫謙賦

女媧立極斷鼇足羲畫之先無刻木始觀鳥跡製文字
夜鬼哭天天雨粟篆隸變化生八分行草復作何紛紛
六書古制既茫昧載籍况遭秦火焚後之作者不可數
形聲寥寥眇千古更論得法神妙間自信臨池心獨苦
君居於越文獻邦家藏金石書滿窗磨穿青州老未已
萬斛巨鼎疇能扛吳興宗人已物故浙河東西誰獨步
君今有志繼絕學砥柱中流見孤注剡溪百畝冰雪光

玄霞一斗松煤香滿堂
賓客看揮灑風雨颯
颯龍鸞翔
我嗟塗鴉手如棘
屢欲從君問竒畫
君還許我載酒來
我捧千鍾勞君筆

稼村贈鄉人孫原璘

我家三里汀前住
茅堂政近桃花渚
學經不明欲歸耕
佃得官田廿餘畝
有書盡賣買農具
甘作東屯種田父
侯彊既足把犁鉏
餉婦猶能載筐筥
田中蠶稗日自除
牆下蠶桑春可取
秋風禾黍既登場
冬日雞豚復盈圃

全家衣食幸餘饒老禪那知有辛苦東鄰擊鼓送農官
西舍烹羊祀田祖且喜征科一事無况是豐年好官府
縣吏催租不下鄉半夜無人打門戶官糧輸足私債無
一村帖然如按堵自信於焉老此身豈謂年來繫簪組
汨汨黃塵沒馬頭白水青山竟虛負羨君學稼如老農
久抱長材隱家墅奉親菽水喜平安教子書詩識今古
我今不蠶亦不耕素餐厚祿如何補幾時上疏乞東歸
白頭相尋願為侶與爾擊壤歌堯年五日一風十日雨

全將軍歌

全將軍壯且武前年去年殺兩虎受賜黃金百兩歸醜
酒椎牛宴同伍意氣驕矜不可當自謂千人何足數今
年搏虎東城下虎亦憑陵肆其怒一挾將軍雙目睛可
憐竟作荒郊土嗚呼勇不可恃利不可取汝不侮渠渠
敢侮汝不見東海之濱釣魚父白頭龍鍾八十五

桃花歌次韻答季翔

春來看花須及早莫待韶光去如埽年年花發看應遲

幾多狼籍被風吹今年無風亦無雨千樹桃花紅爛吐
香塵繡轂動游人流水瓊筵出歌女天氣豔陽三月時
倚闌吹徹玉參差百壺送酒莫停飲祇恐落花辭故枝
落花飄盡春無迹著意留春花可惜花開花落一番春
與君莫作傷春客會須日日醉花前不放閒愁到酒邊
有花可看酒可飲但願以此終殘年

鷹雞行

白日中庭忽風過鷹攫雞雛半空隨誰家失之無處尋

家奴拾得如拳大毛血淋漓殊可傷性命幸脫飢鷹腸
山妻叮嚀勤餵飢愛護真如孤鳳皇錦毛漸長雙冠聳
可愛花陰鬪時勇我雖老饒不爾烹留取年年作雛種

春江捕魚圖

玄真坊中老孫子老去今年不知幾綠蓑短短僅遮身
自小求魚足生理魚倉蟹舍小蓬門一帶編籬住江浹
昨夜青山得雨多門前三尺桃花水大家漁具都上船
水面紛然若浮蟻小兒捩舵立船梢老婦供炊在篷底

大繩屬網絕中流東船纜下西船起須臾兩船相向開
來往風波疾如駛前船得魚先上城後船回篙刺沙嘴
此賓此主尚杯盤樵青已卧蘆花裏醒者尚釣醉者眠
東去西來隨所止不欠官家魚稅錢榮辱從來不干已
我家江南山水間煙樹參差絕相似作客天涯未得歸
一見此圖心獨喜俸錢幾時當買山小築茅堂三泖尾
白頭方是謝官時也學漁家從此始

少小

少小從行伍而今作飲徒博錢尋劇孟買劍問風胡結
伴軍中戲嗔人醉後扶黃金三萬鎰誓娶陸家姑

獨坐

獨坐茅堂上長吟不下牀亂書堆几席疎雨過陂塘野
燕衝簾入江花渡水香應須存晚計次第學耕桑

寄淞上友人

憶昔都門把臂時殷勤索我送行詩客邊賴爾能相慰
別後令人有所思芳草暮雲愁忽忽落花春雨鬢絲絲

東歸艇子如堪買定擬尋君澱水濱

題王秉正雲林清隱

青林白谷水雲鄉
隱者深居一草堂
百道松泉當戶落
四時花雨入簾香
門前車馬紅塵遠
座上琴書白日長
滿目故家風景在
不須重畫輞川莊

題伴讀董時貢所藏山水

公館多清暇
林泉愜所探
人家如谷口
風景似江南
斷徑荒深蘚崩屋
老巨楠鯨波通海去
鳥道與雲參江艇

維晨渚巖扉掩暮嵐
雨田收赤黍霜圃摘黃柑
未築清風屋先尋白石菴
醉來休荷鍤老去願投簪
許我閒身在從渠俗慮
耽偶然忘世累聊謝望雲慚

墨蘭

青草三閭亭下蒼梧二女祠
前欲采幽芳寄遠月明秋
水涓涓

送馬駿赴京

黃鶴磯頭上驛船
柁樓撾鼓下晴川
客行二月梨花後

人別東風燕子前

贈別

草色青青漢水新
異鄉聽雨怕逢春
客懷最是今年惡
頻向東風送故人

題畫

柴門春盡動鷗波
樹色山光雨後多
老去無官長自在
醉眠江閣聽漁歌

吳農四時歌

三首

家有田廬泖水東門前九朵翠芙蓉鄰翁報我田官至
明日花朝候勸農

浜北浜南雨一犁陰陰桑柘鶉鳩啼木龍閒挂茅簷下
百畝青秧已插齊

種得紅芒與白秬五風十雨似堯年高田無旱低田潦
多辦今年賽社錢

林 温 一首

温字伯恭永嘉人官長史與弟常俱以詩名有

栗齋集

盤山道中

盤山嶺頭春雨多天台
鴈蕩雲相摩鷓鴣啼入竹林去
我行不得君奈何

貝

翔二首

翔字季翔崇德人助教瓊之子洪武中官楚府
紀善有平澹集

詩話紀善集以平淡名故管長史寄詩云花竹
臨窗筆硯清初秋一雨便涼生錦囊平澹詩十

首近日新編幾卷成詩如夕陽山好樓中見春
水船齊樹杪行信乎平澹矣所云山者蓋指艾

山 史二

擬古

妾有綠綺琴中含鳳皇音不彈黃鵠操試作白頭吟河
中錦鴛鴦比翼相因依落花隨飄風各自東西飛物情
有不同貞心以為保春葩折秋霜容華豈嘗好芙蓉出
綠水見別汚池中白璧薦泥塗乃與瓦礫同妾有五色
絲為君製衣裳朝朝勤拂拭夜夜為薰香將心置君腹

知君不相忘

吳門會故人樓文淵

憶曾相識自兒童二載雲間席硯同
深院鈔書桐葉雨曲闌聯句藕花風
當時壯氣凌諸子今日衰顏對兩翁
高卧田園真自樂宦遊媿我尚西東

張壁一首

壁字景辰陳留人徙華亭洪武初鄉舉除潞城

知縣終蜀府典寶

詩話陳留張樞夢辰徙家華亭城東門築室曰
讀書莊陶南村贈詩云幅巾短杖林和靖斗酒
長篇李謫仙又云寫書竹簡拈鮮碧臨帖箋藤
寫硬黃或勸之仕不應日與弟子誦春秋人目
之曰林泉民貝廷珺為作傳其弟景辰亦能詩
有過嘉禾詩云拔頭艇子輕于葉雪色沙鷗白
似鷺可
入畫也

橫溪

扁舟東來歌扣舷四顧雲水心茫然蛟龍欲唾先作霧
星斗滿身如在天打鼓買魚江雨歇看山濯足溪風顛
解衣典取酒一石醉伴忘機鷗鳥眠

浦源 六首

源字長源無錫人洪武中晉王府引禮舍人有

浦舍人集

沈山子云舍人詩如舞草從風偏反有致

詩話長源居九龍山中築聽松軒凌彥翀為作
記其後舟經淮河溺死故王達善祭以文云長
源之又豔若天葩云何不竟墮泥沙詩雖與
子羽同調然才不逮林當與二玄伯仲句如聽
鷄曉闕疎星白走馬春郊細柳黃細雨疎燈聞
落葉斷雲高樹見明河雨中黃葉孤村路湖上
青山遠寺鐘三月春陰垂細雨幾家寒食起新
煙春潮渡口停官舫夜雨山頭見驛燈衣上暮
寒吳苑雨馬頭秋色晉陵山潮生漁浦看
雨過鄰家竹許鉏官路暝煙迷驛舍郟城寒火

出更樓青山馬尾彎弓見畫角城頭帶月吹暮
雨燈明湖上塔秋風砧響郭西家杏花寒食春
江店榕葉薰風瘴海船今夜風傳何處笛他鄉
月照故園衣寒廳掩雪晨衙散暮郭連山夜燒
明均有風韻非僅雲邊樹裏一聯而已亦善畫
山水竹石學倪雲林程原道詩所云雲林弟子
浦長源也

結交行

敵國不在遠舟中乃可見炎涼不在時交情乃可知昔
作通家好齊言永相保一富有一貧便成行路人相逢
不相識薄夫堪嘆息我不願傾北海尊亦不願書翟公

門但願同心二三子百年無改共生死

送賈文學入京

春城送別已斜陽花發官亭酒正香
遠騎青山江上路
新鶯細柳禁中牆
疎星北闕趨朝早
澹月南宮聽漏長
誰謂賈生年最少
獨能陳策輔君王

悼潘處士

先生愛酒不憂貧
賣藥城隅幾度春
夜雨忽銷丹竈火
秋風偏拂總帷塵
空山送葬多遺老
片石題名有故人

我欲持觴酌丘上野煙芳草謾傷神

留別甘露行師

秋山松柏正參參遊子登臨酒半酣
今夜阿師雖對面
明朝江北望江南

送友人

孤舟春別萬花西雲淡山清水滿溪
料得客愁何處是
綠陰官舍聽鶯啼

懷湖南周包二山人

每懷周益能歌詠
况復包撫善講論
夢繞南湖春草碧
夕陽微雨掩柴門

陸

闓

一首

闓字伯陽揚州興化人楚府伴讀

江上暮雨

荻蘆沙上風竹樹
山頭霧疎雨忽新涼
惆悵川光暮遙
遙孤帆征渺渺
滄江渡停櫂問漁人
長干幾程路

桂

衡

一首

衡字孟平，和。人洪武中，錢塘儒學訓導，遷山。

東建文庚辰授谷府奉祀。

題蕭翼賺蘭亭圖

使星東犯斗牛來，猿鳥忘機豈見猜。
莫笑老僧藏不得，昭陵玉匣有時開。

詩話復州裂本蘭亭卷首有錢聖舉畫蕭翼賺書圖陶南村謂厲行定武宋理宗賜賈平章一百十七本此其一也舊藏吾鄉郁氏

杜環一首

環字叔循廬陵人晉王府錄事

題畫

每愛江山趣停杯看畫頻千峰青不斷萬里碧無垠雲
樹參差晚鷗波浩蕩春扁舟何處客飄泊正愁人

張

紳二首

紳字仲紳一字士行濟南人仕明為浙江布政

使

徐子元云方伯詞格清健管見一斑知其為豹

詩話方伯工大小篆精於賞鑒法書名畫多所
品題撰法書通釋一卷自稱雲門山樵亦稱雲

門遺老齋東自周公謹而後復有此人其詩不
藉雕琢琅然可誦如湖中玩月詩地與樓臺相
上下天隨星斗共
浮沉亦佳句也

題畫

高樹漏疎雨滴瀝下銀塘美人捲簾坐寶鴨添生香風
吹綠荷葉露出雙鴛鴦

送人赴安慶幕僚

舒州城在大江邊我昔過之曾繫船年豐米穀上街賤
日落魚蝦入市鮮山起正當官舍北潮來直到驛樓前

知君此去紅蓮幕民訟無多但晝眠

陳約一首

約字博文嘉興人洪武中官大理寺卿出為山西布政使與弟綱繹緝竝有詩名

錦屏

赤城多奇峰錦屏亦殊勝不知何仙人遺蹟在幽徑松
霏灑石林竹雪墮風磴徘徊對巖花忽送一聲磬

董紀一首

紀字良史以字行更字述夫上海人洪武初官

江西按察僉事有西郊笑端集

張汝弼云良史詩率漫若弗翼

有傳者

詩話述夫元之者舊其詩賴善卿編之大雅集中題海屋云過橋雲啓天台寺泊岸風帆日本船亦不為率漫也

短歌行

山鳥日日喚提壺
勸君酒盡須更沽
莫計囊中錢有無
人生百歲幾時好
大是愁多懽樂少
朝見花開暮落花

昨日朱顏今日老為君起舞為君歌少年不樂奈老何

謝肅一首

肅字原功上虞人舉明經歷官福建按察僉事

有密菴集

詩話原功謁貢禮部玩齋於吳山仰高亭進曰
先生之門亦有瑰偉倜儻拔出之士乎時貢奉
詔漕閩廣粟當泛舟大海貢語曰子能從吾游
乎對曰丈夫觸蛟龍犯風濤如行衽席上爾遂
同載至海昌屬海上多警因留居州北執經問
難凡一詩之出一文之就折表論議必當於理
乃已既而貢沒於寓舍原功經紀其喪刊其遺
集及出按漳泉坐事被逮孝陵卽文華殿親鞫

肅大呼曰文華非考掠之地陛下非問刑之官
請下法司乃下獄獄吏以布囊壓死風與唐處
敬齊名號會稽二肅其詩
雖不及處敬亦磊落不凡

馬陵行

客行忽不樂停車馬陵間上有悲風古樹之蕭瑟下有
哀壑流水之崢嶸陰深壞道餘古雪孱顏兩壁堆積鐵
石面苔封勁箭痕草頭露滴將軍血青熒燐火黃昏明
呼號水鬼啼山精應羞刎頸償斷足此氣千載真難平
西流沂水東滄海勝負孫龐兩安在為提寶劍舞尊前

落日雲霞射光采

藍

智

七首

智字明之崇安人明初應薦授廣西按察僉事

有藍澗集

詩話二藍出處不同藍山藍澗二集
選家悞有參錯今依明初雕本刊正

客建上將歸山中留別鐫典籤

入山願遠遊出山願早歸
羈懷苦無悰芳序倏已非
瀟瀟江海流紛紛花絮飛
清霜變玄髮游塵化緇衣
艱危

迹易乖少壯心轉違雲鴻每獨往梁燕當疇依野樹滯
殘雨荒臺淡斜暉浩歌綠水曲空拂黃金徽

書懷寄示小兒澤

昔我南澗來遂謀西園居瀟瀟桑柘陰下有比屋廬交
枝轉黃鳥澄波躍文魚花香入戶牖草色連階除衡門
閉白日高詠古人書目送遠山雲心遊天地初貧賤固
可樂富貴將焉如

河池縣

連峰入河池路險徭人村
喬木盡參天白日為之昏
上有高石崖下有清水源
蕭蕭篁竹叢落日聞哀猿
職當觀民風載驅隰與原
俯念遠人苦來宣天子恩
撫此風景異懷哉惟故園

雨

黯黯雲垂野瀟瀟雨滿林
晚山歸鳥盡秋草閉門深
落葉蕭條樹空城繼續砧
煩憂兼獨立誰識此時心

曉發來賓縣

宦遊同逆旅，侵曉逐征途。

一作空

館殘燈小，長江落月

孤鄰雞催去馬城，柝起棲烏物色兼。人事怱怱歲欲徂。

出雲藤驛

又出雲藤驛，扁舟更向東。地蒸秋有瘴，江濶夜多風。旅夢驚啼狹，鄉心託斷鴻。天涯看月色，不與故園同。

雨中同孟原僉憲登嘉魚亭

高閣流鶯外，荒城駐馬前。江寒三月雨，春老百蠻天。折柳悲橫笛，飛花落釣船。乾坤總羈旅，把酒意茫然。

王佑 二首

佑字子啟沂弟洪武三年舉教官擢監察御史
出為廣西按察僉事改知崇慶州有長江萬里

橐

陳一德云子啟辟立千仞不負所學雖賴蕭氏刻集以傳而其得意者無幾梁用之云

子啟先生以教官舉與永豐丁堅子節同邑劉穀原實等一十八人俱同日俱拜御史所為詩
沉雄雅淡質而不俚華而不媚

詩話王氏二妙子啟詩遠遜子與其擢御史也
事在洪武三年五月二十一日中書吏部奉旨
選天下教官入覲奉天門適太史奏文星見帝
親擢十八人俱為監察御史次日詣武樓下賜

袍帶二十五日之任臺官傳命賜燕集中有紀
恩詩七首其東胡僉事子祺詩云聖主親除十
八人與君同郡最情親寄秦郎中文剛詩云奉
天門下共恩榮十八人中第二名寄趙合州夔
馬縣州真詩云人生良會不可常聖恩同擢那
能忘是文剛也夔也真也皆在十八人之列矣
而實錄載與選者十九人吉水胡子棋桐廬魏
潛王紉河西李顏永豐丁節永嘉許宏士萬安
夏瓚樂清李時可衛輝陳士舉龍泉劉毅蕭暉
合肥夏起瑞安馬漢分宜劉沂平陽孔希普永
新歐陽子韶泰和王子啟安福歐陽楚廬陵胡
伯清而無文剛等三人姓名恐國史所書未若
子啟詩集之得其實也又海桑陳氏書王僉事
事蹟第云以僉事除崇慶知州已而得投閒歸
鄉而集中有獄中述懷三首其一云有枉不能
直呼天天不聞厥初正田賦思以上報君豈其

被蛇虺糾結情紉紉媿疑既先入具偽無由分
其二云沃壤袤千里曾無水旱憂亂來地無主
官賦籍未收下車日經理比屋皆予仇太倉得
梯米憲網增罪尤吾豈厚歛者仰天思悠悠其
三云蜀州古險塞其俗凶且強有司坐罷悞譬
以羊將狼紀綱稍自振螫毒不可當我徒剛易
折衆以凶為良誦其詩可得獲罪之由矣蓋子
啟政尚嚴厲其在廣西時尋造為按察使胡于
祺曰古刑新國用輕典子啟曰蠻方素昧君臣
父子之分黷倫傷化不及此明禮法以示勸懲
後將難制造從其議其牧重慶征科未免過
嚴因而坐累迹近重歛此陳氏諱而不言也

次梧州

蒼梧平遠水如苔日出官船盪槳開五筦江從南海去

九疑山跨道周來乘槎蚤戶綠流住輸粟徭民出峒回
聖代分巡方遣使咨詢敢憚徧蓬萊

荆南舟中寄華容孫景賢

故人不見十年餘聞就華容早卜居湖上屢停千里櫂
嶺南不寄一行書別來每恨知心少老去翻令會面疎
題句荆南煩去客早春問訊向茅廬

彭正德

一首

正德字伯仁溧陽人明初以薦官福建廉訪使

西州即事

一雨洗空碧江城獨倚樓山銜殘照沒水挾斷雲流燈
影深村夜鐘聲古寺秋西州舊遊地薄宦此淹留

程國儒

三首

國儒字邦民歙人徙居德興至正進士授餘姚
州判官攝紹興錄事洪武初知南昌府被逮暴
卒有雪厓集

越城謠

越州城城何高四十五里之周遭窪地填為基坡坨鑿
成濠白晝鞭笞夜擊坨石民之骨灰民膏越城雖高越
民勞越民勞勞未已我田未耕又科米忙忙築城歸種
禾又恐無米供官科禾苗未青得秋雨城吏打門夜如
虎為言雨後新城摧要我荷鍤城上來城泥不乾不敢
回又恐夜半聞驚雷城頭一雨城一動越民登高向天
慟民心似與雨有讐天意實謂城無用當年當年天下
平天下無賊越無城乃知在德不在兵

信州糧誼

信州糧糧何艱十鍾一石萬里間朝發錢王隄暮過嚴
陵灘柁尾白浪如銀山朝渡蘭溪州暮宿龍丘灣峻如
牽車上鬼闕督吏馳檄夜傳箭布帆無風河水乾去年
糧船未及岸今年又運八百萬只知彼地荒不知浙東
天亦旱只知彼地饑不知役戶家無飯家無飯儂莫愁
願化鐵騎為耕牛願銷鋒鏑為鉏耰戰場闢作畎與溝
壯士荷甲歸田疇風雨時調禾黍秋禾黍秋飯不足浙

東又移何郡粟

次樂秉德韻

傷心世事淚潸潸已付餘生作等閒
羝乳尚能持漢節
鷄鳴那得出秦關
黃花時候多新酒
綠樹門庭是故山
日夜思親頭盡白
何人為賦大刀環

金 綱 一首

綱字子尚嘉興人元季舉鄉試
洪武初知蘓州府
以上書請減賦額賜死

詩話子尚在元季雅負詩名家有詠軒周致堯
為賦詩其守蕪州也以百姓苦官民田賦不齊
里胥因緣為姦乃上疏請減賦額觸高皇帝怒
賜死王文恪姑蕪志柳太守嘉興志具書其事
考洪武中蕪守三十人左謫者吳懋坐事去者
何異張亨被逮者王暄丁士梅湯德石海王繹
陳彥昌張冠黃彥端坐賊黥面者王文而子尚
與魏祀山皆坐法死當日領郡者亦不易矣

王彥強破屋風雨圖

讀書幽澗濱茅屋走風雨窗疎木葉鳴月暗燭花吐隱
憂不可寫俛仰慕前古美人何由招娟娟隔秋浦

馬琬

一首

琬字文璧江寧人洪武初仕為撫州知府有灌

園集

詩話文璧以畫
名詩亦清脫

西湖竹枝

湖頭女兒二十多春山兩點明秋波自從湖上送郎去
至今不唱江南歌

盧熊一首

熊字公武崑山人元季吳縣教授洪武初授中

書舍人出知兗州府坐累死

遊銅井山

行春入銅山披榛訪苔碣展席具琴尊譚詩愒林樾溪
柳漸生萋谷鶯未調舌文漪細含風小梅清映雪眷彼
素心人寒香不堪折

馬治一首

治字孝常宜興人初為沙門洪武初知內丘縣
終建昌知府有荆南倡和海漁集

張公祠

張公古仙伯不樂雲間遊騎驅穴山腹古洞開清秋空
青凝丹室積翠結石樓玉女跪而化銀漿冷不流芝田
水精鹽華屋珊瑚鈎神界杳莫測鬼工信難侔勢輕壺
公壺量狹禹九州繞出具區底仰見崑崙丘烟然一束
蘊吾欲窮其幽

甘瑾

瑾字彥初臨川人明初嚴州府同知

一云官翰林待制

張仲舉云彥初詩如美女簪花
初工於律予戰森然望之可畏

徐子元云彥
顧玄言云二

守詩頗清解如一瓢風外樹雙履雨中
山錦食成獨旦羅扇覺先秋亦是高唱

詩話明初臨川詩派專學唐人者揭孟同甘
彥初也尚有張可立甘克敬惜其詩不多見

題何梅閣山居

迹不到城市逢人無厚顏
一瓢風外樹雙履雨中山流
水春喧碓歸雲暮掩闕
憂時心未已祇益鬢毛斑

題張氏竹園別業

避難疎狂客長貧少定居
采芝空有曲種樹豈無書擬

製東山屐看馳下澤車肯容疎嬾迹來與狎漁樵

贈人戍襄陽

漢水荒城外頻年汗馬場舟車通饋餉部曲雜耕桑幕
府文書下烽樓警邏長山公有愛將日醉習池旁

梅溪宿徐橘隱者寓舍別後寄謝

不見故人久吟愁入鬢絲試呼村舍釀細論草堂詩夜
雨西窗燭春風別墅棋滄洲如有約歲晚共襟期

讀文丞相傳

萬里冰天泣楚冠
南雲歸計路漫漫
尚圖一旅興王易
不念孤兒立國難
樓櫓海門西日暗
劔歌江介朔風寒
九原負痛遺編在
朔雪殘燈掩淚看

水南晚眺

山風蕭蕭羣木落
寒日黯黯孤雲低
江雲欲雨復不雨
野鳥將棲還未棲
歸人入夜望烟火
行子傷秋聞鼓鼙
水南山川繞城市
正好買地躬耕犁

社日

楓樹林邊雨脚斜
兒童祈賽競誼譁
雞豚上戊家家酒
鶯燕東風處處花
野迳歸時扶醉客
叢祠祭罷集神鴉
瀕湖生意傷多潦
預祝汙邪載滿車

寄懷可立

旅泊他鄉有歲年
南塘水竹卜居偏
得錢日閑君平肆
載酒秋尋賀監船
葭葦近通門底巷
荆榛遙帶郭西田
東歸亦有尊鱸興
矯首滄浪若箇邊

西師

中興實藉羣公力反正終歸萬姓心霧雨銅標蠻徼闊
山河鐵券漢恩深明珠翡翠殊方入天馬蒲萄遠使臨
北極即瞻佳麗氣南雲足聽凱歌音

雨中書懷

南窗坐掩讀殘書落盡梨花雨點疎短夢或因中酒後
輕寒已過禁煙餘片香墮几初歸燕泉脉通池欲上魚
搔首故人懷別久欲憑尺素問何如

張著 一首

著字則明永嘉人元季游學至吳遂居常熟洪武三年領鄉薦知膚施縣遷臨江府同知

秋興

故園東望海西頭
幽事長懷九月秋
竹几山明渾見畫
糟牀酒熟不知愁
霜寒杭稻肥
黃雀水淨芙蓉映
白鷗隨分耕魚聊自適
無端垂老向延州

蕭 翀 一首

翀字鵬舉泰和人蘓州府同知

詩話鵬舉為劉子高弟子編其師集
以傳者也詩格卑卑不如其師遠甚

宿平陸村

昔年曾此宿今日是重遊
兵後人煙少村中草樹稠
霧開螢照夜月霽鴈鳴秋
明發前途去逢人問鎮州

包聖一首

聖字師聖江陰人岳州府同知

和韻答陳漢章

風塵滿眼宦情微卜築從今與世違
碁局未收山月上

爐煙將斷洞雲歸
謀生底用千金產
送老惟甘一布衣
肯共野人忘爾汝
來朝騎馬到荆扉

白

筇

一首

筇字以中紹興山陰人
洪武中黃州府同知

薊州

西來山盡處
始見薊州城
地擁三門峻
天迴一面平
人煙多戍卒
市語雜蕃聲
回首松亭道
秋風幾日程

周

矩

一首

矩字仲方吉水人洪武中官中年知縣遷台州府同知謫戍廬陵用薦為廬陵訓導

題宋徽宗雙燕

江南簾幕重重雨良岳湖山處處花兩地舊巢傾覆盡
西風萬里入誰家

練高一首

高字伯上新淦人洪武中知起居注以直言忤旨出為廣德州同知歷臨汀鎮安二府通判

王
子

充云伯上詩溫厚而豐麗大江以西
能繼范德機虞伯生揭曼碩而起者

送趙將軍

崆峒一劍倚秋陰誰識將軍百戰心
老去功名餘白髮
閒來歌舞散黃金呼鷹大澤風竿勁
射虎南山雪羽深
敲缺唾壺銀燭短時人不解隴頭吟

陳汝言

九首

汝言字惟允吳縣人明初官濟南經歷坐法死

有秋水軒橐

嚴蘇友云惟允精於山水詩如秋水濃於酒山雲白似衣詩中亦有

畫也

詩話吳縣二陳居船場巷並有舅才俱善詩工畫山水又皆多鬚故有大髯小髯之目張氏據吳日惟寅隱居不出惟允為參軍頗親信用事南濠都少卿譚纂載洪武初王叔明為泰安知州廳事後有樓三間正對泰山叔明寫為圖張絹素於髀每興至輒一舉筆凡三年而圖成時惟允為濟南經歷一日胥會值大雪叔明欲改雪景惟允曰如傅色何沉思良久曰得之矣為小弓夾粉筆張滿彈之粉落絹上儼然飛舞之勢相顧以為神奇叔明就題其上曰岱宗密雪圖因以贈惟允云後惟允坐法當死臨刑猶從容作畫畫畢乃就戮張司丞來儀紀以詩云若人悟懸解委蛇頓天刑慷慨赴東市一日為千齡李公悲上茶陸子喟華亭識機若不豫達生

良可經朱絲亦易絕仄景不可停從容灑芳翰
炳煥若丹青好藝永傳世精魄長歸冥披圖懷
平素涕淚緣襟零說者以兵解之法推之謂之
畫解密雪陶陳氏世寶之松江張學使廷采往
觀坐卧其下兩日徐武功尤愛之後以三十千
歸吾鄉姚雲東未幾火作此圖遂付煨燼悌矣
予嘗見惟允山水真蹟積墨清潤與叔
明不相上下宜當日兩人相契之深也

古詩

皇風去已遠王霸不復論空遺聖經在學者誰能尊物
情何溷濁干戈相并吞禮樂既不作安使風俗淳撫儿
三歎息哀哉吾道淪

蘭

蘭生深山中，馥馥吐幽香。偶為世人賞，移之置高堂。
雨露失天時，根株離本鄉。雖承愛護力，長養非其方。
冬寒霜雪零，綠葉恐彫傷。何如在林壑，時至還自芳。

軍中與劉公宣分韻得夜字

日暝川路遙，江寒木葉下。鳴笳發洲渚，偃旆泊清夜。
肅南鴈翔耿，耿銀河瀉。委身服戎事，行役豈云暇。
孰不感所懷，當知歲時謝。

舟過錢塘有感

錢塘江上水悠悠落日扁舟送客愁
雲氣欲含千嶂雨潮聲遠帶大江流
征帆且復停洲渚晚飯應須上柁樓
見說西湖載歌舞春風不似舊時遊

送黃尚書之江西

驛路花如霧春江水似苔尚書今日去
從者幾時回解纜聽潮落張帆趁曉開
相思南浦上明月滿蘓臺

題靈巖寺

靈巖之山山木稠山僧結菴居上頭蒼松風裏作龍吼
白雲窗前如水流憑闌始悲人世迥舉目更感江山秋
千年霸業俱陳跡落日寒煙生客愁

送謝從義知杭州分韻岳王墳

荒墳秋樹影蕭蕭只有孤僧伴寂寥二帝游魂歸不得
百年枯骨恨難消山空永夜愁寒雨江濶悲風起暮潮
若到錢塘逢故老傷心切莫問前朝

雜詠

空庭清晝永花落見春暮誰念未歸人草色江南路

歸來

春城踏踏馬蹄輕醉裏歸來鼓二更月滿青樓人不寐
政將新曲按銀箏

陳

輔

一首

輔字里未詳仕為推官詩附見滎陽外史集

出郊

雨歇山晴鶯亂飛水清沙暖日暉暉竹籬綠路酒帘出

野樹漲陰梅子肥千里鄉心隨夢遠一春樂事與人違
年華過眼慙無補零落青衫尚未歸

王蒙 三首

蒙字叔明吳興人自稱黃鶴山樵元末官理問

洪武初為泰安知州

詩話倪元鎮詩畫最自矜重不輕許人獨題叔
明畫云筆精墨妙王右軍澄懷卧游宗少文叔
明紀力能扛鼎五百年來無此君其誠服若此
高青丘云叔明為趙文敏外孫而其畫法自立
門戶別具一種姿態與文敏無一筆相似其筆
格不下文敏宜矣蓋文敏書畫詩皆尚工緻而

叔明意在活脫所寫溪山林木或有柯無葉畫
家謂之不了樹惟詩亦然往往不費推敲而有
自然之致乃知善得師
者不在循行規矩也

閒適

綠楊堪繫五湖舟
袖拂東風上小樓
晴樹遠浮青嶂出
春江曉帶白雲流
古今我愛陶元亮
鄉里人稱馬少游
不負平生一杯酒
相逢花下醉時休

過姑蘓

山圍平野綠煙中
江葦蕭蕭兩岸風
誰種闔閭城外柳

年年飛絮入吳宮

陳惟允荆溪圖

太湖西畔樹離離
故國溪山入夢思
遼鶴未歸人世換
歲時誰祭斬蛟祠

劉

秩

一首

秩字伯序豐城人
洪武中知崇明州
有秋南集

李時遠云伯序古
體馬古近體秀麗

詩話伯序詩亦整鍊如芙蓉隔浦聽秋雨楊柳
長亭看晚潮沙浦寒霜肥紫蟹野園秋雨熟黃

小棟花落盡風飄樹魚子生時水滿田林下一
逢冬聽雪樓中半榻日看山亦琅然可誦也

雞鳴曲

馬初嘶鷄初鳴夜待旦晝兼程
昨日晚出長安城今日
早望橋山行東西相去四百里
明日山北還晨征不綠
薄宦苦相縈何得如此勞
吾生君不見路無窮人易老
離家不如在家好吾家萬里在
江南回首天涯歸不早

吳植一首

植字子立嚴州人以處士徵授藤州知州

寄張國錄孟兼

昔別意何長重來歲華改
沉憂誰與娛懷人邈江海
褰衣涉汀洲秋風被蘭茝
日夕零露繁芳馨為誰采
嘉會諒難并良辰詎容待
思君如明月夜夜望光彩

史

遷

三首

遷字良臣金壇人
洪武中用辟召除蒲城知縣
遷知忻州復知廉州

漫興

二首

貧居村塢長無事誰復能過野老家只有春風太情重
小桃深巷也開花

讓東煙樹杜陵家百尺深潭似浣花布袖龍鍾筇竹杖
也勝裘馬在天涯

暮春

綠陰窗下春草碧無數柳花吹近牀一雙蝴蝶總無賴
飛到小闌還過牆

張率一首

率字孟循廣信人吳元年徵知嘉定州有張嘉
定集

荅周檢校

衡茅晚計卜溪南水石幽期得縱探詩社往來青玉案
仙經借送紫泥函漁村過雨行秋霽龍洞開雲坐晚嵐
種樹書成嗟已老煩君多致洞庭柑

吳文泰

五首

文泰字文度吳縣人洪武中涿州同知有愚菴

集

詩話文度與同郡丁遜敏學專事苦吟嘗閉戶
共為詩人見其終日突無煙往視之瞪目相對
忘其未食也評者謂其詩僻蹇似孟郊
今觀其集頗淺易似不煩冥索乃爾

有懷義興崔同仁

日嬾嬾兮涼風山中人兮何所蘿軒兮夜月薜牆兮秋
雨丹桂發兮巖阿荷花落兮江渚我思君兮不來望南
山兮延竚

楚江清曉圖

矚矚曙光啟湛湛楓江白河漢縱復橫分明見秋色天
空爽氣清露濕千峰碧微茫雲夢渚迢遞潯陽宅五柳
高且踈涼風正蕭瑟孤鶴橫江來扁舟正攜客

送何子方還吳中兼簡一二同志

城頭烏啼朝日黃城門送客歸故鄉邊風吹沙道路長
南登鴈門踰太行顧我垂老不得將蕭颯短髮垂秋霜
為君此別淚沾裳歸心遠逐浮雲翔吳山崢嶸牛斗旁
五湖浩蕩煙波蒼故園桑梓連崇岡萬里愁思何茫茫

君家田園亦不荒歸來此樂殊未央
兒女惟笑羅酒漿
遠行辛苦憂俱忘故人若逢滕與梁
為言思君愁斷腸
勸君莫辭酒滿觴來宵見月遙相望

送人之巴蜀

煙波迢遞古荊州君去應為萬里遊
倚櫂遙看湘浦月
聽猿初泊渚宮秋雲開巫峽千峰出
路轉巴江一字流
若見東風楊柳色便乘春水泛歸舟

酬陳孟敷見寄

南浦蘼蕪生綠煙憶從分袂是何年歸來還對山中月
老去惟耕隴上田幾樹蟬聲涼雨後一川霞采夕陽邊
思君東望堪乘興潮落晴江好放船

鄭潛一首

潛字彥昭歙人元季泉州路總管洪武初以故
官起除授寶應縣主簿遷潞州同知有白沙橐

檇菴集

程以文云彥昭詩駸駸乎
格高律熟而入於精者

玄石行為貢尚書賦

尚書階前有玄石流落江湖舊曾識當時重者惜餘貲
今日移來乃神力初看尚爾混泥沙熟視灑然供拂拭
黑雲風斷涌峨眉紫氣霞開見靈壁終朝靜坐無磷緇
扣之則應聲相隨梅花點點上烏几柳絮縣縣縈硯池
湘沙驚落孤鴈驚東海躍出生蛟螭千年誰鑿渾沌竅
半夜誤擊珊瑚枝人生遇合還如是尚書感慨親留記
姱容麗質豈高人錯節盤根知利器坡仙空作仇池夢
愚翁信遂移山志為公歌此玄石行颯颯霜風度寒翠

朱模 一首

模字子範休寧人元季六安州判官洪武三年

為賊所害有白沙行橐

張伯雨云朱子範詩有虞揭道響

送張總管赴鄱陽

近聞使節向鄱陽已報前軍到武昌好過黃州問蘓仲
曾遊赤壁訪周郎一時人物皆陳迹三國英雄此戰場
舉酒煩君酌江月匡廬秋色晚蒼蒼

梅頤 二首

頤字昌年永嘉人以明經薦除都昌主簿遷夔
州判官

夏日

松下桃笙酒半醒
石根流水碧泠泠
片雲將雨窗前過
分得新涼入研屏

秋日

黃葉蕭蕭獨掩闌
屏風小幅畫江山
酒醒夢入湘雲去
不管秋聲在樹間

烏斯道

七首

斯道字繼善慈谿人明初以薦起知石龍縣調

永新以疾去官有秋吟稿春草齋集

張惟靜云
繼善詩興

寄高遠瀟灑出塵一
埽元人過巧之樊

詩話繼善與兄本良性善並著才名鄉人目性
善為春風先生繼善為春草先生宋學士漁稱
其文云俊潔如明月珠洵湧如春江濤楊布政
子器稱其詩云疎秀若雨後春山綺麗若雲中
翠嶽矜許至矣戴叔能贈詩云達士不羈世投
身向寬閒又云不有同心人誰其慰枯槁知非
營營名利者也句如四顧闕無人一鳥空中鳴
江水豈吾限可以相往還朝陽煦游鱗晴嵐送

飛翼寂馬千載事傷此百年身落日近岷嶷於
何從遠道鶴鳴子和徒然有哀音具饒清氣
其言曰詩之作非得夫天地
之精氣者不能也信然哉

馬食粟

馬食粟一閑二百匹一食一百斛去年大旱人苦飢草
根食盡食木皮官司徵粟喂官馬馬何貴重人何微人
心不敢怨只願官馬肥官馬肥走若飛江南江北正格
鬪將軍殺賊要馬騎

題寒林遠岫圖

游子念故山，歲晏不得歸。
出門見林薄，日暮煙火微。
闌河渺千里，猿狖聲正悲。
况爾霜雪繁，鳥道不可躋。
陽春固伊邇，奈此寒無衣。
衣寒何足嘆，所憂美人違。

邀友人胡舜咨姚晉道劉庸道北郊夜坐

美人集江郊，負月湛秋夕。
天濶星宿繁，地迴雞犬寂。
供具雖不殷，各取意所適。
抽辭託危仄，燕坐更几席。
既盡遐邇懷，復有新故益。
涼風激庭柯，澄波照林石。
零露不作寒，層霄愈凝碧。
緬思江海內，軒蓋相馳激。
酬酢過為

懽反道諒匪得

澤畔

上征天無風遠游索無金種蘭蘭不芳行吟向江潯漁父曠達者庶幾知我心鶴鳴子和徒然有哀音踟躕

當奈何湘水清且深

陳卧子云古拙

過西山訪章願學鍾聲伯二隱者兼與同遊諸公

分韻得深字

冬雨久不作冰霜謝窮陰予因積遐思於馬事追尋西

山數君子幽居託雲林岡巒負城郭在樂不在深旨酒
罄良覲嘉言諧素心巖花照紋楸松風墮鳴琴詎謂兵
草餘得以疏煩襟人生易彫謝何時續斯今離別奚足
歎願言懷德音

雜言

荆棘開好花娟娟耀芳春羅生及周道未嘗罹斧斤斧
斤或相加芒刺反傷人朔雪貸其死后土固其根人力
媿孱弱天地胡不仁崇岡有松柏日夕摧為薪

次韻酬范運中

讀書窗前煙草深三年獨守荒山陰出門駕輿脫輻
閉戶燒鉛鉛不金唾壺擊出慷慨意青燈照見平生心
故人苦道不相見寄詩復欲招我吟

馮伯初一首

伯初字正始嘉興人洪武初官府同知

崔貞姑廟

貞姑遺廟練塘坳古瓦漂零補白茅影帳有煙香細細

明妝剩粉玉硤硤連村未輟雞豚社獨樹長懸鶴鶴巢
右族博陵銷歇盡尚餘彤史一題鈔

詩話郡丞予婁馮孺人遠祖也馮氏族譜載其
詩三十餘首予少日僅錄其一今予外弟金滌

無後譜不復可得矣貞姑廟在練浦塘一螺青
東南廟外有橋土人以貞姑為土穀祠春秋社
祭府志失載陳處士靈茂詩雲衣金粉蝕煙帳
蕙蘭銷亦過廟下作也有好事者補張堯同百

詠則廟
其一乎

陳伯康 一首

伯康字仲進長樂人江山知縣有南雅集

寄邳縣喻知縣

寄語邳州長何時過洛中相看兩舍許不得一尊同客
思瞻秋月鄉書遲早鴻臯懷臨別處每憾太恩恩

莘野一首

野字叔耕歸安人洪武初由本縣儒學訓導遷
棗強知縣致仕後改麗波巡檢卒官有環洲集

春日登城有感

憑高獨立午風輕望入平湖眼更明白鳥影邊陽羨樹

青山堆外闔閭城樓臺霽色千家日楊柳春深幾處鶯
滿眼故人零落盡野花芳草不勝情

林子森

一首

子森温州平陽人舉秀才為臨洮府經歷

鎮遠道中

行盡荒林晚未休鷓鴣聲斷碧山秋逢人數問前程路
九十長亭是貴州

俞貞木

二首

貞木初名楨以字行更字有立吳縣人洪武初

以薦知樂昌縣改都昌

一云南安府南康縣

有集

詩話明府有雕本集二冊予嘗見之於里中王山人研書齋山人頗稱其詩而今訪之藏書家

遂不復得又有目錄亦無存當日若

金侍郎問陳檢討繼皆其弟子也

題王孟端山水

喬木靄春霽野水浸平沙
山脊浮雲合巖腰細路斜
攜琴向江寺沽酒到漁家
歸去幽居晚山童埽落花

題趙仲穆畫馬

房星方墮墨池中飛出蒲梢八尺龍想像開元張太僕
朝回騎過午門東

王

澤

五首

澤字叔潤天台人僑居山陰洪武中官華亭縣

丞有青霞集

徐子元云青霞天
厨之珍自然適口

詩話叔潤詩音聲
察亮亦是作家

寄友人

我本東海人家住東海頭自從牛角時便向西州遊
通

來西遊十九載夜夜思歸夢東海此身厭逐戎馬間落
魄惟存壯心在今年始欲向東還便將歸老天台山相
隨仙人養雞犬笑弄綠水桃花間况聞溪上桃已熟仙
女嬋娟面如玉春風綰髻雙綠鬢舞腰解按山薌曲去
年羣仙遙見招謂予自是王子喬山中何嘗識酒禁日
日爛醉吹瑤簫昨日纔經四明道故人相見驚絕倒間
闕萬死得生還顏色還同舊時好忽聞天吳落海隅到
海要拾明月珠大風三日撼天黑海底吹折紅珊瑚洪

濤如山老蛟怒白日江皋塞煙霧仙山咫尺不得歸目
送冥冥塞鴻去權舟惆悵却西回側望仙山心欲摧空
懷帝子芙蓉闕遙望中天兩玉臺愁來昏昏枕書睡呼
酒狂歌不成醉丈夫出處真可憐往往長遭不如意作
詩為謝丹霞仙金堂石室無清緣有心未罷歸來約更
待秋風海月圓

姑蘓感事

天星夜落水犀軍又見吳宮走鹿羣睥睨金湯徒自固

愴惶玉石竟俱焚將軍只合田橫死國士寧無豫讓存
風雨明年寒食節麥孟誰上太妃嬪

徽宗畫餅中桂花

玉色官餅出內家天香誰貯月中花六宮只愛新涼好
不道金風卷翠華

小游仙

中山千日酒初醒却愛玄都夜景清起坐天門吹玉笛
月中珠樹起秋聲

竹宮青鳥

阿母瑤池信不通
茂陵松柏起秋風
野垣春雨叢篁綠
青鳥猶來認故宮

程煜 一首

煜字彥明揚州人寶坻縣丞

題明皇並笛圖

華清宴罷卷霓裳
重立東風並海棠
鳳瑤莫吹新製曲
有人乘月倚東牆

陳玄 一首

玄字闕二 東莞人 洪武辛亥進士官縣丞

資福寺

聽經猿去已多時
梧竹風標入夢思
暗粉尚留多寶塢
長廊空見捨田碑
石池雨過添新水
老柏年深換舊枝
聞道靈源高閣上
至今人誦小山詩

吳斌 二首

斌字蘊中 休寧人 洪武中用薦授平陽縣主簿

有蘊玉山房集

量田謠

朝量水田雪暮量山田月青山白水人如雲
朝暮量田幾時歇尺田寸地須盡量
絲毫增入毋留藏時暘時雨欣時康
我民欲報心未央年年增賦輸太倉
安得長風天外起吹倒崑崙填海水
更出桑田千萬里

醉歌行

登高取醉散我愁
倒卧城南百尺之酒樓
出門但知行

路苦醉鄉可以逍遙遊君不能遺身天上玉京又不
能營名將相專金城徒將綠髮染春雪風塵羈絆終無
成不如且飲一壺酒酒盡愁消更何有

汪禹又云章短氣長學太白神

似太白

戴

奎

一首

奎字文祥台州人洪武中齊河縣主簿有介軒
集

秋夜有懷

欲憑詩句寄秋風吟到宵分蜜炬終月色如銀庭樹冷
一絲和露墮青蟲

詩話風定小軒無落葉青蟲相對吐秋絲秦
淮海句也文祥移入夜景可謂青出於藍

葉子奇

子奇字世傑龍泉人用薦主巴陵簿

詩話世傑坐事繫獄於獄中撰草木子又有餘
錄紀元季明初事煩詳可資國史采擇詩特餘
耳

岳陽晚興 二首

洞庭萬頃秋月君山一點晚煙安得幅巾無事酒船吹
笛江天

暮雨漁村春暝曉霜楓葉秋酣人世花開花落山光湖
北湖南

金慎 一首

慎字子肅嘉興人洪武初貢士官典史

柿林新居

喜得移家秀水濱此邦風物舊相親為農久已知農事

近市還能遠市塵
鵝散墨池迎洗硯
鷗當漁屋看垂綸
蔬畦藥圃終吾老
未必溪花解笑人

詩話柿林今之新城鎮也去嘉興府治西北三十里而近城本作滕宋曾魯公嘗監秀州新滕酒稅金尉一詩格調雖早然微官能詩足以見當年一時文教之盛

薛

敬一首

敬字原理鄞縣人
洪武初舉茂才授龍泉稅大使
使歷國子監博士有江天集

與范宣之何約之重游隱學寺

薄言山寺去兩度出東郊湖草添新漲山禽改舊巢煙霞野衲客鹿豕故人交鐘磬雲深處來聽幾度敲

任原 一首

原字本初休寧人明初以捍禦功授顯武將軍

雄鋒翼管萬戶有集

詩話本初雖歷戎行實為環谷東山談經弟子其詩互刊唐仲實白雲集中今從煨煌程氏新


安文獻志定為任作

見鄉人程大

少年策馬辭鄉邑落魄天涯幾秋色鳳池昨遇故鄉人
不道姓名應不識布衣拂却長安塵相看感歎念情親
青春作客無遠近白髮從軍多苦辛以茲失路誰相顧
我向東流子南去歸夢不離滄海雲邊愁遠挂青楓樹
楓樹叢林隔海天百年聚散一茫然簪纓故舊應誰在
萍梗江湖祇自憐臨歧執袂須傾倒明朝又別關山道
心隨征鴈向斜陽愁對離憂醉芳草

贈同舟從軍林生

青天無盡碧波長百尺雲帆挂夕陽
海路音書何處寄
西風吹鴈不成行



明詩綜卷十四